



Voor meer informatie:

**Centraal Bureau voor de Statistiek**

WTC Building, Piscadera bay z/n

Tel: (5999) 839.2300

E-mail: [info@cbs.cw](mailto:info@cbs.cw)

[www.cbs.cw](http://www.cbs.cw)

[Facebook : cbscur](https://www.facebook.com/cbscur)

# Komunikado pa Prensa

Willemstad, 28 yùli 2021

## Promé resultado di e Produkto Interno Bruto di Kòrsou – 2020

### E ekonomia a sigui disminuí ku 18.4 porshento den aña 2020

Un bahada severo den e aktivitatnan ekonómiko a produsí un redukshon (krep) den e produkto interno bruto di 18.4 porshento pa aña 2020. Kòrsou nunca a eksperensia un redukshon asina den e promé añanan. Despues di 4 bahada seguidamente den ekonomia 2016, 1.0% 2017, -1,7% 2018, -2.2 % 2019, -3.4% Kòrsou ta aterisá den un reseshon profundo di korona, esaki ta nifiká ku e tamaño òf volúmen di e ekonomia ta hopi mas chikitu ku e aña anterior.

E promé kalkulo tentativo riba e desaroyo di ekonomia na Kòrsou ta relashoná ku e desaroyo real, esaki ke men ku e ta korigí pa desaroyo di preis. Ta kalkulá e desaroyo ekonómiko a base di volúmen ku tabatin den e proseso di produkshon i a base di e desaroyo koyuntural.

### E desaroyo ekonómiko den diferente ramo.

E pandemia di Covid-19 a sòru prinsipalmente pa un bahada den e aktivitatnan ekonómiko bou di kasi tur ramo. Seguidamente ta bai duna un bista di desaroyo mas notabel den aña 2020:

E reseso konstante di e aktivitatnan industrial tabatin un bahada signifkante di 56 porshento den e ramo di Industria. E rason prinsipal ta e echo ku aktivitatnan di refinera den aña 2020 a baha. Otro aktivitat ekonómiko den e ramo aki ku a baha mirando nan produkshon di benta ku tambe a sera temporalmente den 2020.

E aktivitatnan ekonómiko den ramo di Komersio a baha drástikamente ku kasi 21 porshento. E bahada aki a keda okashoná dor di bahada den importashon di produkto i e diferente aktivitatnan komersial di e negoshinan.

E tendensia den e ramo di Transporte i Komunikashon ta mostra un bahada konsekutibo di sigur un 23 porshento den e aktivitatnan ekonómiko kompará ku e aña anterior. Pa loke ta trata transporte e aktivitatnan den haf i aviashon a baha en general. E aktivitatnan den haf a wòrdu afektá prinsipalmente di barkunan di petroli, i e barku nan manera entre otro barkunan ku ta keda di loods den nos haf, kònteinernan tambe a baha na kantidat grandi. Aki nan mester kòrda riba e influensia ku ta sigui dor di e hecho ku Refineria a kai afó. E aktivitatnan di barku krusero nan i tambe e pasaheronan a bira nulo for di aprel 2020 despues ku e pandemia a eskalá. E aktivitatnan di aéreo a baha a konsekuensia di bahada di kantidat di pasahero i e kantidat di avion ku a aterisá i tabatin a konsekuensia di esaki ménos karga aéreo. En kambio den e sektor di Informashon i komunikashon a opservá un kresementu den 2020.

Den Horeca (kumpramentu di servisio den akomodashon i aktivitatnan di kuminda) ta kai bou di e sektor di turismo, esaki a baha drástikamente na 2020. E aktivitatnan di e ramo di hotèl i restaurant a baha bastante en komparashon ku e aña 2019, ku ta mostra un subida di 4.9%.

Den 2020 tantu e kantidat total di turistanan ku ta hospedá i e kantidat di turista ku ta bishita Kòrsou a baha ku respektivamente 58 porshento i 62 porshento. E bahada aki ta bai pareu ku e disponibilitat di transporte aéreo, unda hopi a stòp di bula den diferente region pa motibu di pandemia. E restaurantnan i bar nan tambe a sinti e efekto, nan no tabata operá kompletamente i tabata mara na orarionan stipulá i kantidat di bishita i sierto servisio. Tur e desaroyo aki menshoná ta trese un bahada den e ramo di **hotèl i restaurant** ku kasi 20 porshento.

Aktivitatnan den e ramo di **Servisio empresarial** (aktivitatnan di propiedat inmóbil, aktivitatnan profeshonal, sientífiko,tékniko; Aktivitatnan atministrativo i di sosten (apoyo) Tambe a wòrdu afektá ku un krep di 29 porshento.

Pa mas detaye tokante e desaroyo ekonómiko di aña 2020 por baha e artíkulo “Economische ontwikkeling 2020: een economie onder druk” for di e wèpsait di CBS, <https://www.cbs.cw/development-of-the-economy-in-2020-0>